

«ԱՂԹԱՄԱՐԸ ԵՎ ԴԻԳԵՆԻՍ ԱԿՐԻՏԱՍԸ»

Վերջերս լույս տեսավ Ա. Բրայերի հոդվածը, որ վերնագրված է «Աղթամարը և Դիգենիս Ակրիտասը»¹։ «Դիգենիս Ակրիտաս» բյուզանդական վիպերգությունը կարևոր նշանակություն ունի ոչ միայն Բյուզանդիայի, այլ ոչ պակաս չափով նաև հայոց պատմության, դրականության ու արվեստի ուսումնասիրության համար։ Ստեղծված լինելով IX—X դարերում², Փոքր Հայքում, վիպերգությունը իր վրա է կրում հայ բանահյուսության ուժեղ կնիքը. գործող անձանց մեծ աստիճանով հայ են, դեպքերը տեղի են ունենում հիմնականում Փոքր Հայքում և Մեծ Հայքի արևելից շրջաններում։ Բացի այդ, «Դիգենիս Ակրիտաս» վիպերգությունն ունի բազմաթիվ մերձեցման կետեր «Սասունցի Դավիթ» էպոսի հետ։ Բյուզանդականների համար «Դիգենիս Ակրիտասը» վաղուց դարձել է լուրջ ուսումնասիրության առարկա, նրա մասին գրվել են բազմաթիվ հոդվածներ ու մենագրություններ։ Ցավովին այն է, սակայն, որ հայագետները անհրաժեշտ ուշադրություն չեն դարձրել բյուզանդական վիպերգությանը Մենր ձևերի տակ ունենալ հայագետների այդ վիպերգությանը նվիրված ընդամենը երկու գործ՝ Ն. Աղունցի մեծարժեք աշխատությունը և Ա. Վ. Բանկի փոքր հոդվածը։ Ա. Բրայերի ներկա հոդվածը, որի բովանդակությունն ենք շարադրում ստորև, մի անգամ ևս ցույց է տալիս, որ հայագետները լուրջ ուշադրություն պետք է նվիրեն «Դիգենիս Ակրիտասին»։

Ա. Բրայերը կանգ է առնում Վանա լճի Աղթամար կղզում գտնվող Սուրբ Խաչ եկեղեցու վրա, որ կառուցվել է Վասպուրականի Գագիկ Թագավորի կողմից 915—921 թթ. ընթացքում, մի հուշարձան, որի նմանը, ընդգծում է հոդվածագիրը, ո՛չ Փոքր Ասիայում, ո՛չ Ասորիքում, ո՛չ Միջագետքում չի հանդիպում։ Առանձնահատուկ հետաքրքրություն են ներկայացնում շարունակում է Ա. Բրայերը, նրա բանդակները³։

Այնուհետև նա անցնում է «Դիգենիս Ակրիտաս» բյուզանդական վիպերգության նկարագրությանը, շարադրում նրա ծագման մասին եղած տարրեր կարծիքները և, ի վերջո, ցույց տալիս այն ընդհանուր կապը, որ կա վերին Եփրատի ավիին Դիգենիս Ակրիտասի կառուցած պալատի նկարագրության և Գագիկ Թագավորի կառուցած (այժմ ավերակ) պալատի նկարագրության միջև, որ տալիս է Թովմա Արծրունին, ինչպես նաև Աղթամարի եկեղեցու պատկերառանդակների և Դիգենիս Ակրիտասի պալատի պատկերառանդակների միջև։ «Այս գուպահունները,—գրում է Բրայերը,—այդքան ակնհայտ չլին լինի, եթե եկեղեցու պատկերառանդակները այնքան արագասովոր չլինեին»։ Այնուհետև նա մեջ է բերում այլոց կողմից ու պարտեզների մեջ Գագիկ Թագավորի կառուցած պալատի՝ Թովմա Արծրունու տված նկարագրությունը. «հրամայել խաղաղորն շինել տաճար մի քառանկյուն, և կանգնալ ունելով զշափ լայնութեան և երկայնութեան, նմանապես և ի բարձրութիւնն. որոյ սրմոյն լայնութիւնն երկու մեծարայութեամբ շափով ունի զպարզութան, գունդ անապակ կրոց և քարի, իրեկ զհայտաւած կապարի և պղնձոյ ընդ միմեանս խառնելով. և շինուած տաճարին ի հիմանց անտի մինչև ցզլուխ նորին ի թուխ կազմեալ՝ առանց սեան ունի զհաստատութիւն. և է որ արդարեւ արժանի զարմանալոյ ի վեր քան զմիտս։ Ունի և խորանս կամարակիցս և անկիւնս և շրջապատս գեղապաւնոյնս, անթիւ մտաց և անգննելի աշաց. ունի և զումրէթս երկնահարթ։ ոսկեզարդս և լուսաճաճանչս...»⁴։

Դիգենիս Ակրիտասի սովեզարդ պալատը, որ շատ բանով նմանվում է Գագիկի պալատին, նույնպես տեղադրված էր նման շրջապատող պարտեզների մեջ։ Դիգենիսի և Գագիկի պալատների նկարագրությունները մի բիշ լիրիկական են և անորոշ, նշում է Բրայերը, և կրում են Բյուզանդիայի կամ Արևելքի իդեալական պատկերացումը պալատի մասին։ Բայց Աղթամարի տաճարի և Դիգենիսի պալատի նկարագրությունն մեջ կան ավելի շատ ընդհանուր կապեր։ Դի-

¹ A. A. M. Bryer, Akhtamar and Digenis Akrites, „Antiquity“, vol. 34, № 136, Dec. 1960, էջ 295—297.

² Մավրդորդատոն գտնում է, որ վիպերգությունը վերջնականապես ձևավորվել է 1042—1054 թթ. ընթացքում։ Այլ ուսումնասիրողների այն համարում են ավելի վաղ շրջանի գործ։

³ Աղթամարի մասին Բրայերը դիմել հիմնականում Ս. Տեր-Ներսիսյանի Armenia and the Byzantine Empire (Cambridge, 1945), աշխատությանը։

⁴ Տե՛ս Թովմա Արծրունի, Պատմութիւն տանն Արծրունեաց, Թիֆլիս, 1917, Դ, էջ 481)։

գենիսի պալատի նկարազարդությունը մի արտաուսուց խառնուրդ է Հին կտակարանի և դասական սյուժեների՝ Այսպես, Ազամեմնոնի և Ալեքսանդրի կողքին պատկերված են Սամսոնն ու Սափուղը։ Աղթամարի պատկերաքանդակները վերաբերում են դրեթե ամբողջությամբ, դրում է Բրայերը, Հին կտակարանի անձնավորություններին, կան որսի տեսարաններ, վայրի կենդանիներ, ինչպես Դիդենիսի պալատում։ Սուրբ Թեոդորոսի պատկերաքանդակը, որ կա Աղթամարում, հանդիպում է նաև Դիդենիսի պալատում։ Երկուսի մեջ էլ կա Սամսոնի կռիվը առյուծի հետ։ Դիդենիսի պալատում պատկերված էին նաև

«Մովսեսի հրաշքները, և եզիպտացիների փորձությունները,
Հրեական ժողովրդի ելքը, մեղավոր տրտունջը,
Տիրոջ ցասումը...»

տեսարաններ, որոնք հանդիպում են նաև Աղթամարի եկեղեցու վրա։

Բյուզանդական պատկերաքանդակների մեջ հազվագեյ են, դրում է Բրայերը, ոչ միայն Դավիթն ու Գողիաթը, այլև Սափուղը։ Ահա այդ սյուժեները հանդիպում են Դիդենիսի պալատում, իսկ հայկական պատկերաքանդակների մեջ միայն մեկ անգամ՝ Աղթամարում, այն էլ Նույնպիսի ձևով, ինչպես «Դիդենիս Ակրիտասի» մեջ։ Բյուզանդական վիպերգության մեջ, ի միջի այլոց, ասվում է.

«Կենտրոնում ներկայացված էր Դավիթը առանց զենքի,
Միայն պարսատիկը նա պատրաստ պահում էր ձեռքին,
Նրան կից էր Գողիաթը հսկա կառուցվածքով,
Հսկայի տեսքը զարհուրելի էր, նա անշափ հզոր էր,
Դիլից մինչև ոտները երկաթե զրահ էր կրում։
Նրա ձեռքում էր նիզակը, որ նման էր ջուլակի գլանի,
Նկարիչը մեծ վարպետությամբ նույնիսկ երկաթի դույնն էր տվել,
Եվ այդ մարտի նկարազարդությունը, թե
Ինչպես Գողիաթը բարի դիպուկ հարված ստացավ,
Ապա գլորվեց դետին, ինչպես
Դավիթը շտապեց նրա մոտ և բարձրացնելով թուրը
Կտրեց թշնամու գլուխը և հաղթանակով մարտն ավարտեց.
Այնուհետև ինչպես ցասումով լցվեց Սափուղը և ինչպես փրկվեց Դավիթը։
Բազմաթիվ դավերը և տիրոջ վրեժը»։

Իհարկե ոչ որ շի կարծում, ավարտում է իր հոդվածը Ա. Բրայերը, թե Դիդենիսի հեղինակը նկարագրում է Աղթամարի պատկերաքանդակները։ Բայց եթե մի ակնարկ նետենք աշխարհագրական միջավայրի վրա, ինչպես նաև երկու հորինվածքների՝ Դիդենիս Ակրիտաս վիպերգության և Աղթամարի տաճարի ու պալատի կառուցման ժամանակագրական մերձավորության վրա և նկատի ունենանք այն, որ Աղթամարի՝ իր տեսակի մեջ Հայաստանում եղակի պատկերաքանդակները գտնվում են Դիդենիսի պալատի նկարազարդության մեջ, այդ ամբողջը տալիս է մի բնահանուր կապի հնարավորությունը, որը պետք է նկատի առնվի։

Ա. Բրայերի հոդվածին կարելի է ավելացնել հետևյալը. ինչպես սկզբում ասացինք, Դիդենիս Ակրիտասի և Սասունցի Դավիթ պատմական վեպերի միջև կան բազմաթիվ մերձեցման կետեր։ Եվ եթե Բրայերը, որը կապ է գտնում Դիդենիսի և Գագիկի պալատների ու Աղթամարի քանդակների միջև, ծանոթ լինեք հայկական պատմական վեպին, կտեսներ, որ Սասունցի Դավիթ պատմական վեպի մի բանի պատումների համաձայն Սանասարի և Բաղդասարի մայրը «Աղթամարի» կամ «Վանա» թագավոր Գագիկի (908—934) դուստրն էր, այն Գագիկի, որի կառուցած եկեղեցու և պալատի ու Դիդենիսի պալատի միջև նա կապեր է գտնում, և այդ իմաստով նրա ենթադրությունը առավել ևս ճշմարտանման կլիներ։

Հ. ԲԱՐԹԻՎՅԱՆ